

ODLUKU**O POKRETANJU INICIJATIVE ZA OSNIVANJE
OSNOVNE ŠKOLE****I**

Pokreće se inicijativa za osnivanje Javne ustanove Osnovne škole u Naselju heroja - Sokolje, Općina Novi Grad Sarajevo.

II

Odluku dostaviti resornom ministarstvu Vlade Kantona Sarajevo.

III

Ova Odluka stupa na snagu danom donošenja.

Broj 01-02-7324/06
2. marta 2006. godine
Sarajevo

Predsjedavajući
Općinskog vijeća
mr. **Safet Kešo**, s. r.

Na osnovu člana 32. Statuta Općine Novi Grad Sarajevo ("Službene novine Kantona Sarajevo", broj 13/01 i 14/04) i člana 10. Zakona o osnovnom odgoju i obrazovanju ("Službene novine Kantona Sarajevo", broj 10/04), Općinsko vijeće Novi Grad Sarajevo, na 16. sjednici, održanoj 2. marta 2006. godine, donijelo je

ODLUKU**O FORMIRANJU ODBORA ZA PRIPREMU
PROGRAMA MANIFESTACIJE U POVODU
OBILJEŽAVANJA 6. APRILA, DANA GRADA
SARAJEVA****I**

Ovom Odlukom formira se Odbor za pripremu manifestacije obilježavanja 6. aprila - Dana Grada Sarajeva (u daljnjem tekstu: Odluka), u sastavu:

- DIJANA DEDIĆ, za predsjednika
- mr. NASIR SINANOVIĆ, za člana
- DERSVIŠ GADŽO, za člana
- EMIR DEDOVIĆ, za člana
- TAJIB DELALIĆ, za člana
- ŽELIMIR LALIĆ, za člana

II

Zadatak Odbora je da pripremi Program manifestacije koja bi se organizovala na lokalitetu Općine sa završnim defileom u središtu Grada Sarajeva i da te aktivnosti koordinira u njihovom provođenju sa Organizacionim odborom na nivou Grada.

III

Ova Odluka stupa na snagu danom donošenja.

Broj 01-02-7327/06
2. marta 2006. godine
Sarajevo

Predsjedavajući
Općinskog vijeća
mr. **Safet Kešo**, s. r.

Na osnovu člana 40. Zakona o prostornom uređenju ("Službene novine Kantona Sarajevo", broj 7/05) i članova 32. i 73. Statuta Općine Novi Grad Sarajevo ("Službene novine Kantona Sarajevo", broj 13/01 i 14/04), Općinsko vijeće Novi Grad Sarajevo na 16. sjednici održanoj dana 2. marta 2006. godine, donijelo je

ODLUKU**O PRISTUPANJU IZRADI URBANISTIČKOG
PROJEKTA "POSLOVNA ZONA UZ X
TRANSFERZALU"****Član 1.**

Pristupa se izradi Urbanističkog projekta "Poslovna zona uz X transferzalu" - u daljnjem tekstu: Plan.

Član 2.

Granica obuhvata Plana počinje od tačke 1. čije su koordinate x 527 845 y 855682 i ide jugoistočno ivičnjakom u dužini od 83 m i dolazi do tačke 2. čije su koordinate x 527 853 y 855587 koja se nalazi na desnoj strani ulice Ante Babića. Iz tačke 2. granica ide jugoistočno, presjeca raskrsnicu ulice Ante Babića i dolazi do tačke 3. čije su koordinate x 527 861 y 855560. Linija obuhvata lomi se pod uglom od 90° u dužini od 5 m i dolazi do tačke 4. iz koje se ponovo lomi pod uglom od 90° i ide južno u dužini od cca 10 m i dolazi do tačke 5. čije su koordinate x 527 859 y 855475, ponovo se lomi pod uglom od 90° i ide preko zelene površine i preko tačke 6. presijeca X transferzalu i dolazi do tačke 7. čije su koordinate x 527 818 y 855540. Zatim granica nastavlja X transferzalom (ne ulazi u obuhvat) u dužini od 45 m do tačke 8. na među parcele 1723/1 (obuhvata je) te ide granicom parcela 1733 i 1734 (obuhvata ih) i dolazi do tačke 9. na tromedu parcela 1734, 1723 i 3297 čije su koordinate x 527 777 y 855457. Iz tačke 9. dalje ide jugozapadno ogradom Studentskog doma cca 60 m do tačke 10., dalje prati granicu Studentskih domova (ograda). Linija je izlomljena i dolazi do tačke 11. Preko tačke 11., 12. i 13. nepravilnom i lomljivom linijom dolazi do tačke 14. čije su koordinate x 527 792 y 855577. Iz tačke 14. granica obuhvata ide u pravcu sjevera ogradom u dužini od cca 80 m do tačke 15. raskrsnice X transferzale i Bulevara Meše Selimovića gdje se lomi pod ugom od 90° prema istoku, iz tačke 16. preko raskrsnice navedenih ulica u dužini od cca 70 m i dolazi u tačku 1 odakle je i počeo opis pomenutog obuhvata Plana.

Ukupna površina obuhvata iznosi cca 1,50 ha.

Član 3.

Cilj pristupanja izrade Plana je stvaranje uslova da poslovni objekti koji su izgrađeni na ovom obuhvatu, a koji imaju status privremenog karaktera dobiju stalni karakter (poslovna zona Nedžarići - Studentski domovi), te da se kompletan obuhvat Plana kvalitetno riješi kroz provedbenu plansku dokumentaciju koja će omogućiti i nove sadržaje na tom lokalitetu.

Član 4.

Rok za izradu Plana je 4 mjeseca od dana objavljivanja ove Odluke u "Službenim novinama Kantona Sarajevo".

Član 5.

Sredstva za podloge potrebne za izradu Plana osigurat će Općina Novi Grad Sarajevo i investitori objekata iz ovog obuhvata, te potencijalni budući investitori.

Član 6.

Nosilac pripreme Plana je Općina Novi Grad Sarajevo (u daljnjem tekstu: nosilac pripreme).

Nosilac izrade Plana je Zavod za planiranje razvoja Kantona Sarajevo (u daljnjem tekstu: nosilac izrade).

Član 7.

Izradi Plana prethodi izrada smjernica za pripremanje i izrada analitičko-dokumentacione osnove, a verificira ih nosilac pripreme.

Član 8.

Nosilac pripreme izrade plana utvrđuje Nacrt urbanističkog projekta "Poslovna zona uz X transferzalu", te ga podnosi Općinskom vijeću na razmatranje i stavljanje na javni uvid i raspravu u trajanju od 30 dana.

Na osnovu rezultata javne rasprave o Nacrtu plana nosilac pripreme utvrđuje Prijedlog plana i podnosi ga Općinskom vijeću Novi Grad Sarajevo na donošenje.

Uz Prijedlog plana nosilac pripreme dužan je Općinskom vijeću dostaviti, uz obrazloženje prijedloge i mišljenja na Nacrt plana koji nisu mogli biti usvojeni.

Član 9.

Subjekti planiranja su: Općina Novi Grad Sarajevo, mjesne zajednice, vlasnici i korisnici objekata na predmetnom obuhvatu, te drugi zainteresovani subjekti i potencijalni investitori i korisnici prostora ukoliko su poznati.

Član 10.

Utvrdjuje se režim zabrane građenja na prostoru koji je obuhvaćen Planom do njegovog donošenja.

Član 11.

Sastavni dio ove Odluke čini grafički prilog - prostorni obuhvat Plana prema opisu datom u članu 2. ove Odluke.

Član 12.

Ova Odluka stupa na snagu 8 dana od dana objavljivanja u "Službenim novinama Kantona Sarajevo".

Broj 01-02-7378/06
2. marta 2006. godine
Sarajevo

Predsjedavajući
Općinskog vijeća
mr. **Safet Kešo**, s. r.

